


М. ГОРЬКИЙ

**АРХИП ДЕД
ДА
ЛЁНЬКА**

126/127

**КОМИПЕРМГИЗ
Кудымкар 1941**



~~К-Перм.
У-56а~~

М. ГОРЬКИЙ

АРХИП ДЕД ДА ЛЁНЬКА

ОБЩЕСТВЕННЫЙ ЭКЗЕМПЛЯР

КОМИПЕРМГИЗ
Кудымкар 1941

Р Н
Бос
Публичная
Библиотека
БАШЕНА

к 8490

Г 41

КУДЫМКАРСКАЯ
ЦЕНТРАЛИЗОВАННАЯ
БИБЛИОТЕЧНАЯ
СИСТЕМА

КУДЫМКАРСКАЯ
ЦЕНТРАЛИЗОВАННАЯ
БИБЛИОТЕЧНАЯ
СИСТЕМА

224 903/8

Кудымкарская
библиотека

Паром видзчисикö, кыкнанные ния водисö берег дорись кырас вуджör сайö и дыр видзötисö визыв да гудыр Кубань заввез вылö, кöдна плескайтчисö ны коккез дынын. Лёнька пондис сунасьны, а Архип дед, кöдались мороссö нырыштис шогöt, онмөссьыны эз вермы. Нылөн мыдзём да көрчитчём фигураэз умöля тыдалисö съöd му вылас, кыз кык комочок, öтыс—ыджытжык, мөдыс учötжык; мыдзём, шондисьянь сотчём да буссялём чужём-мезныс вöлисö дзик мөдкодьöсь ны бырём бурöй паськөмкöt.

Архип дедлөн кузь да коскаа телыс нюжötчис поперөг песокись векнитик полоска вылын, кöда веж лентаөн кыссис доль берег кузя, ю да кырас коласöt. Витикөн каттисьömөн дед бокин куйлис Лёнька. Лёнька вöли учötик, умöлик, бырём паськөмнас сия кажитчис чегём улөн

адззöны пöрись синнэз, басöка, ваввез моз
юкласис шогдлөн золотöй море и весь-
кыта сыö усие сингусялана югыт нёбо.
Сы вылын бура тыдалисö ылын быдман
тополлезлөн куим веськыт фигура: ка-
житчис, ния лоöны то учöтжыкöсь, то вы-
лынжыкöсь, а ны весьтын нёбоыс да шог-
дыс то лэбтисöны, то лажмöтчöны. И
вдруг быдöс дзевсисельис серебрянöй, степ-
нöй югөр сайö.

Эта бöбöтчан степнöй югöрыс мукöд
пырсяс гыасьöмөн локтö ылісянь топ бе-
рег дорö, и сэк ачыс сія бытьтö пöртчö
юö, кöда вдруг усие нёбоыс кодь жö чис-
тöй да спокойнöй.

Сэк Архин дед, кöда эз тöд этö явлен-
нёсö, чышкыліс ассис синнэсö да гажтö-
ма думайтис ас йывсис, что эта жарыс да
степыс мырддьöны сылісь адззöмсö, кыз
мырддисö коккезлісь медбöрья вынсö.

Одззася сьöрті талун сылö вöлі эшö
умöльжык. Сія бытьтö тöдіс, что чожа
кулас, и кöть эта вылö видзötис сьöлөм
пессьытöг, думайттöг, көр не көр, а кув-
ны колас, но сылö охота вöлі кувны ылын,
не татөн, а родинаас. Медöддьөн сія тöж-

дед дынсянь—косьмём важ пусянь, кёдö ю ваввез вайисö да чапкисö татчö песок вылас.

Гырдыза вылас юрсö лэбтёмөн дед видзöтис шондi югөрөн кисьтём да шоч бадь кусттэза мөдөр берег вылө, кытөн кусттэз сайсянь тыдаліс паромлөн сьöd бок. Сэтчин гажтём и некин эз вöv. Степь пытшкö ва дынсянь руд полосаөн муніс туй; сiя вöлі öддьөн ни веськыт, кöс и вайöтис гажтём думаэз.

Стариклөн гөрд, пыктём синлоппеза пемыт да шогалан синнэс дугдывтөг кваркышалісö, а чуқыррезөн серötём чужöмыс öддьөн ыджыт тöждісьöмсянь оз и вөрзышт. Сiя дугдывтөг, видзсьöмөн кашляйтіс и, нучокыс вылө видзöтлөмөн, вевттьыліс кинас öмсö. Кöс кашель пөдтис старикöс; кашляйтікас сылө пыр коліс чеччыны да кисьтны синваэз, көднiйö пичкис кашельыс.

Сы кашелься да песок бердö ваввезлөн кышötөмся степын эз вöv некытшөм шы... Степыс куйліс кыкнан берегас, паськыт, бурöй, шондiөн сотём, и только сэтчин, ылын горизонт вевдöрын, көдö умöля

діене нучокыс понда... Кытчö сэк вош-
тісяе Лёнькамыс?..

Луннас не öтпырысь сїя сувтöтліс ас
одзас этö вoпpocсö. И эта дырни пыр сы
пытшкын мыйкö жмитчывліс, сайкавліс и
вöлі сэтшöм сьöкыт, что сылö охота вöлі
часöт жö бертны гортас, Россияö.

Но—Россияö мунны былы... Сїдз и сїдз
не мунны лoас, кулан кытöнкö туй вы-
лас... Татöн Кубаньын милостынясö сетöны
унаöн; отирыс олö богата, кöть и сьöкыт
да згальнöй. Oz любитö нищöйесö, мыля
асьныс богатöсь.

Нучокыс вылö синваöн тырöм синнэз-
нас видзöтїкö дед жагöника малаліс сы-
лісь юрсö тёрка кодь кинас.

Мöдыс пондіс вöрöтчыны да лэбтіс сы
вылö голубöй, ыджыт да пыдын синнэсö,
кöдна вöлісö не челядьлөн кодь думай-
танаöсь и кöдна сы умöлик да пистиöн
кокалöм, вöснитик, виртöм тырппеза да
ёся ныра чужöм вылас кажитчисö эшö
гырисьжыкöсь.

— Локтö?— юаліс Лёнька и, синнэз ды-
нö кисö вайöтöмөн, видзöтіс ва вылö, кö-
да вылыи орсїсö шонді югöррез.

— Оз эшö, оз лок. Сулалö. Мый сылö эстөн? Некин сийö оз кор, вот и сулалö... — жагöника пондiс баитны Архип, ачыс дугдывтöг малалiс нучокыслiсь юрсö. — Узыштiя тэ?

Лёнъка бергöтыштiс юрнас да нюжöтчис песок вылас. Кыкнабныс чöлисö.

— Кыдз бы ме кужи уявны, сэк бы купайтчыны пондi, — ю вылö видзöтикö висьталiс Лёнъка. — Öддьөн ни визыв юыс! Миян эттшöм юэс абу. Котöртö, бытътö кызд сёрмыны полö...

И Лёнъка недовольнöя бергöтчис вадынсис.

— Вот мый, — невна думайтöм бöрын висьталiс дед, — давай кушаккезнымöс пöрччалам да оча домалам, ме кок бердат кöртала да понда видзны, а тэ пыр да купайтчы...

— Но-о! — нюжöтис Лёнъка. — Мый думайтiс! Али тэ чайтан сiя тэнö оз кыскы? Сэк вöямö кыкнаным!

— А эд былъ! Кыскас. Видзöт, кызд больгö котöртö... Тулыснас натътö öддьөн и ыждö — ох тэ!.. А видззес сэтөн — беда! Дор-конец оз тыдав!

Лёнъкалө дыш петіс баитны и сія дед-лісь кыввесө колис бокө, босьтіс кинас косьмөм сөй, серьёзнөй чужөмөн пондіс чуннезнас пазөтны сійө бусөдз.

Дед, синнэсө куньыштлөмөн, видзөтіс сы вылө да мыйкө йылісь думайтіс.

— Вот эд...— киэз вылісь буссө треситікө жагөника пондіс баитны Лёнъка.— Эта му... ме сійө босьті киө, нөиті и лос бус... синөн чуть тыдалана учөтик комочоккез только.

— Но, дак мый?— юалис Архип да пондіс кашляйтны, нучокыс югьялана да гырись синнэз вылө петөм синваэз пыр видзөтікө.— Тэ мыйлө этө висьталін?— шуис сія, көр дугдіс кашляйтны.

— Сідз...— беринь керис Лёнъка юрнас.— Этө ме сы пондаись, что быдөс сія то кытшөм!..— Сія макнитіс кинас ва сайө.— И мыйыс только сы вылын абу строитөма... Кыным город мийө тэкөт чулалімө! Стрась уна! А мымда быдлаын отирыс!

Лёнъка эз вермы кутны ассис думасө и сійөн видзөтіс ас гөгөрсө да бөра пондіс думайтны.

Дед тожō невна чōлыштіс, сыбōрын топ вешшис нучокыс дынō да ласкова пондіс байтны:

— Мывкыда тэ менам! Быль тэ вись-талін—быдōс бус... и городдэз, и отирыс, и мийō тэкōт—ōтїк бус. Ох тэ, Лёнька, Лёнька!.. грамота кōбы тэвнїт!.. Ылō бы тэ мунїн. И мый тэкōт лоас?..

Дед жмитїс ас бердас нучокыслїс юрсō да окыштіс сїйō.

— Сулав...— дедыс дрōжитан, кōстїсьōм чуннезїс ассїс лєн кодь юрсїсō мездō-тїкō, невна гажмōмōн, горōтїс Лёнька.— Кыдз тэ байтан? Бус? И городдэз и быдōс?

— А сїдз ни енōн керōм, дудїок тэ менам. Быдōс—му, а ачыс муыс—бус. И быдōс сы вылын кулō... Вот кыдз! И эта-сянь мортыс должен овны уджын и сми-реннєын. Вот и ме чожа кула...— мōдїк баснїō вуджїс дед да гажтōма содтїс:— кытчō тэ сэк метōг мунан?

Лёнька часто кывлїс дедыссянь этō воп-россō, сылōн дыш петїс ни байтны смерть йылїс, сїя шытōг бергōтчис мōдōрō, нетш-кōвтїс турунок, сїуйыштіс сїйō омас да пондіс жагōника аклявны.

Но дедлөн эта вöлі медзубыт места.

— Мый нö тэ шы он сет? Кыдз, мыся, метöг овныт пондан?—нучокыс дынö мышкыртчикö да вились кашляйтикö жагöника юалис сiя.

— Байтлі ни...— дедыс вылö пиньöлөн видзöтликö думайттöг да недовольнöя горöтчис Лёнька.

Эна басниэс сылö эз вöлö сьöлöмви эшö сысянь, что нiя часто кончайтчисö видчöмөн. Дед дыр байтiс: матын ни пö сылөн кулан кадыс. Перво Лёнька бура кывзiс сiйö, вильмоза олöм йылись думайтöмсянь повліс да горзывліс, но жагвыв мыдзліс и дугдiс кывзыны дедсö, думайтiс ассие думаэсö, а дедыс эта понда лöгавліс и норасьліс, что Лёнька оз любит дедсö, оз ценит дедлісь заботаэсö, а медбöрын кöритiс Лёнькасö, мыля сiя только сiйö и видзчисьö, көр не көр дедыс кулас.

— Мый байтiн? Некидыс тэ он вермы вежöртны ассит олöмтö, вежöрттöм эшö тэ. Кынымöдзлат öнi тэ? Дасöтик год только эшö. И нярыник тэ, уджö негоднöй. Кытчö тэ мунан? Думайтан отсаласö бур йöзыс? Кыдз бы вот тэнат день-

га вöлі, дак нія отсалісö бы тэныт видзны
дзеньгасö—эта сідз. А кортөн ветлötны
и меным старіклö неöддöн бур. Быдöнлісь
тэ кор, быдöнлö поклон сет. И видöны тэно,
и вартлöны и вашötöны.. Тэ думайтан,
нишшöйсö мортö пунктöны? Некин! Дас год
ни чочком свет кузя ветлöта—тöда. Тысяча
руб туйö нянь кусöксö пунктöны. Сетас да
и думайтö, что сылö часöt жö осьтасö
райісь ыбössesö! Тэ думайтан, мыйлö
унажыксö сетöны? Медбы бурötны
асіныне совестынысö; вот мыля, кага,
а не жалейтöмсянь! Сюйыштае тэныт
кусök, но и аслые сылö сёйнытö некытшöм
стыд абу. Пöt мортыс—зверь. И некөр
сія тшыгсö оз жалейт. Пöt мортыс да
тшыгыс—öтамöдлö враггез. Векісь
векö нія öтамöдлö сінын ласö кызд
өггез. Этасянь и оз туй нылö öтамöднысö
жалейтны да вежörtны...

Бура кутчисісö дед сьöлöм бердö лөг да
гажтöм. Этасянь сылөн дрöжитісö тырппес,
гöрд рöма сінлыссез да сінлоппез
пытшкын перыта ветлісö пöрісь, шемдöм
сіннэс, а сьöd чужöм вылас чукыррес
пондісö öддöнжык тöдчыны.

Эз любит Лёнька, көр дедыс вөвлі сәтшөм и невна мыйиськө полыштліс.

— Вот ме тәнчит и юала, мый тә мיריםкөт пондан керны? Тә—нярыник кага, а мירים—зверь. И сразу ньылыштас сія тәнө. А меным оз ков сідз... Любита эд ме тәнө, дитяөс! Тә менам өтнат и ме тәнат өтнам... Кыдз нө ме понда кувныт? Некидыз оз туй меным кувны, а тә медбы кольччин... Кин вылө?.. Господи!.. мый понда тә он любит ассит рабтө?! Овны меным сьөкыт и кувны оз позь, мыля кага эм, ме берегитны сійө должен. Сизим год вөдиті сійө... аслам киэз вылын, пөрись киэз вылам видзи... Господи, отсав меным!..

Дед пуксис и пондіс горзыны, дрөжитан пидзөссез коласө юресө мөртөмөн.

Ва перыта котөртис одзлань да зыкөн плескайтчис берег дор кузя, бытьтө мөдіс этөн шумнас пөдтыны стариклісь горзөмсө. Кымөррезтөм нөбо югыта шынняліс да лөня кывзіс гудыра ваввезлісь зыксө.

— Тырмас, дедук, эн горзы,—мөдөрө видзөтікө горөтчис Лёнька и, дедыслань

чужомнае бергөтчөм бөрып, содтис:—быдөс йылись ни баитимө эд. Юрө оз өш. Трактирө кытчөкө медася...

— Кувтөдз вартласө...— ружтөмөн, синаваэз пыр шуис дед.

— Мож т, озө. А вот озө кө!—дөгөн-моз горөтчис Лёнька,—сэк мый? Быдыслө ог сетчы!..

Но вдруг Лёнька мылякө паймыштис и, невна чөлөм бөрын, гусьоник содтис:

— А то монастырө муна...

— Монастырө көбы!—радуйтчөмөн ыш ловзисис дед, и пөдтан кашельсянь бөрапондис чукрасьны.

Но юррез вевдөрын кылис мортлөн горөтлөм да колесоэзлөн дзуртөм...

— Паро-о-м!.. Эй, паро-о-м!—кинлөнкө ыджыт өм дрөбөтис воздухсө.

Ния чеччөвтисө коккез вылө, босьталисө котомкаэзнысө да бедёккезнысө.

Бура дзуртөмөн, песок вылө кайис арба. Сыын сулалис казак. От пель вылас пунктөм гөна шапкаа юрсө чатыртөмөн лөсьөтчис горөтны, осьта өмөн ас пытшкас воздухсө кыскөмөн, мыйсянь сылөн паськыт да одзлань петөм моросыс лоис эшө

паськытжык. Сылөн чочком пиннес югья-
лісё съод тошись шёлковойкодъ рамаын,
кѳда пондѳтчис вирѳн тырѳм синнэз дын-
сянь. Кизявтѳм йѳрнѳс увтсаянь да зипун
увтсаянь, кѳдѳ сія чуть кышыштѳма пель-
поннэз вылас, тыдаліс гѳна, шондѳ вылын
сотчѳм яй. И быдѳс сы вывтырсянь, кѳда
сылѳн вѳлі ѳн да ыджыт, кыз и яя, пе-
ганѳй да тожѳ ѳддѳн ыджыт вѳв дын-
сянь, вылын да кыз шыняэзѳн жмитѳм
арба колесоэзсянь,—вайѳтис пѳтѳн, вынѳн,
здоровьеѳн.

— Гей!.. Гей!..

Дед да нучок босьтисѳ юррез вылісь
шапкаэзнысѳ да лажмыта копыртчисѳ.

— Здорово!—горѳн керыштіс локтісые
и видзѳтис мѳд ладор берегас, кытѳн куст-
тэз сайсянь жагѳника кысисе съод паром.
Сыбѳрын лэчыта пондѳс видзѳтны ниш-
шѳйесѳ.—Россияись?

— Сэтчинись, бур морт!—поклон сетѳ-
мѳн висьталіс Архип.

— Тшыгѳн тѳян сэтчин олѳны, а?

Сія чеччѳвтис таратайкасис му вылѳ да
пондѳс мыйкѳ лѳсьѳтны.

— И тороканнэз кулѳны тшыгсянь.

— Хо-хо! И тороканнэз кулёны? Сідзкө, нельки крошкиэз эз кольччө, быдөс сөйит? Кужат сөйныт. А вот уджалат, тыдалө, умөля. Бура кө пондан уджавны, сэк тшыгйөн он ов.

— Сэтөн, көрмилеч, главнөй причинаыс—му. Оз чужты муыс. Мийө быдөс сөскимө ни мусө.

— Му?—трекнитис юрнас казак.—Муыс пыр должен чужтыны, сы понда сія и сетөма мортыслө. Баит: не муыс, а киэз. Киэз умөльбөсь. Бур киэзеянь и из оз мездөтчы, чужтас.

Локтис паром.

Гөрд чужөммеза, кык ён казак кыз коккезөн паром джоджө пыксөмөн, шумөн матөгисө сийө берег дорө, шатөвтчисө, чапкисө киэзеиныс канатсө и, өтамөд вылө видзөтөмөн, пондисө сьөкыта лолавны.

— Жар?—паром вылө ассис вөвсө кайөткө да шапка бердө кйөн павкөтчикө, пиннесө мыччалөмөн висьталис локтисьыс.

— Эге!—шуис өтыс паромщикез колась да вешьян карманнэзө киэсө пыдына суйөмөн, и, арба дынө сибөтчикө, дзар

керис сы пытшкӧ да вынӧн эд кыскыштис ас пытшкас воздухсӧ.

Мӧдыс пуксис джоджас да ружтӧмӧн пондис кыскыны сапогсӧ.

Дед и Лёнъка кайисӧ паром вылӧ и, казаккез вылӧ видзӧтликӧ, сувтисӧ дорас.

— Но, мунам!—сетис команда арбалӧн хозяиныс.

— А тэ он кыскы сьӧрат нем юны?— юалис сылис сѳя, кӧда видзӧтис арбасӧ. Ёртыс сылӧн кыскис сапогсӧ да, синсӧ чыкыртӧмӧн, видзӧтис сапог голенишшоас.

— Нем абу. А мый? Етша разь Кубаняс ваыс?

— Ваыс!.. Ме не ва йылис баита.

— А курыт йылис? Ог кыскы курытсӧ.

— Кыдз инӧ тэ, мыля он кыскы?—шуис юасисыыс, сяннэсӧ мӧртіс паром джоджӧ да пондис мыйкӧ думайтны.

— Но-но, мунамӧ!

Казак сьӧлалыштис княз вылас да кутчисис канат бердӧ. Вуджисыыс пондис сылӧ отсавны.

— А тэ, дед, мыйнӧ он отсав?—шуис Архиплӧ сапогӧн вӧдитчись паромщикыс.

— Кытчö нй меным, родной!— юрнас
беринялөмөн нора голосөн шуис сйя.

— Да оз и ков нылö отсавныт. Нйя и
өтнаныс вермасö!

И, мед убедитны дедсö аслас кыввез
истинаын, сйя сьöкыта лэдзчисис пидзöс-
сез вылас да водіс паром палуба вылö.

Сылөн ёртыс дыша видыштіс сййö и;
ответсö получиттöг, палубаас пыксьöмөн,
горөн пондіс топайтны коккезнас.

Ванырөн вашötöмөн, кöда негора шумөн
плескайтчис сы боккезö, жагöна одзланьö
вешшöмөн, паромыс дрöгнитыштіс да дют-
тясьыштіс.

Ва вылö видзötікö Лёнька кыліс, кыз
сылөн бергалö юрыс да визыва котöртан
ваввез вылö видзötöмсянь мыдзöм синнэс
лякасьöны. Дедлөн гусьөн шушкöмыс, ка-
натлөн дзуртöмыс да валөн плескайтчö-
мыс ланьтötісö сййö; сйя сунасьöмсянь мö-
діс водны джоджас, но вдруг мыйкö сідз
сййö тойыштіс, что сйя усис.

Лёнька паськыта осьтіс синнэсö да гö-
гөр видзötіс. Сы вылын сералисö казак-
кез, берег дорись сотчöм мыр бердö па-
ромсö көрталікö.

-- Мый, онмөссин? Нярыник тэ! Пуксы арбаас, станицаодззис кыска. И тэ, дед, пуксы.

Нарошно гнусавитөмөн казаклө спасибо висьталікө, дед ружтөмөн пуксис арбаө. Лёнька тожө чеччөвтис ны дынө, и ния гөнитисө поснитик, съөд бус коласөт, көдасянь дедсө пөдтис кашельис.

Казак пондис сывны. Ссыліс сія аскодя шыэзөн, нотаэсө орөтлывліс шөрас и кончайтліс нійө шутнялөмөн. Кажитчис, сія путшөтө шыэсө кыз тшакылись сунисөс и, көр сылө пантасьө гөрөд, орөтө сійө.

Порөн дзуртисө колесоэз, гардчис бус; дед, юрнас треситөмөн, орөттөг кашляйтис, а Лёнька думайтис сы йылись, что вот өні ния локтасө станицаө и ковсяс өшын увтэзын сывны гнусавитан голосөн: господи, Иисусе Христе... Станичнөй зонкаэз бөра пондасө сійө нерны, а инькаэз өсильтасө Россия йылись юасьөмөн. Эта кадө не өддьөн долыт видзөтны и дед вылө, көда кашляйтө частожык и көстисьө лажмытжыка, мыйсянь сылө аслыс зубыт да умөль, и байтө сэтшөм нора голосөн, жеркөтчөмөн, да висьтасьө сы йылись, мый

некөр, некытөн абу вөвлөма... Байтө, что Россияын йөзыс кулө улицаэз вылын да сідз и валяйтчө, и дзевны нельки некинлө, сійөн что быдөс отирыс бөбсялісө ни тшыгйөн олөмсянь... Некытөн, нем эттшөмсө нія дедкөт эз адззылө. А быдөс эта колө сы понда, медбы сеталісө унажык. Но кытчө сійө, милостинасө, татөн воштан? Гортын көть көр позяс вузавны нельдас копейкаөн пудсө, а көр и витдас копейкаөн, а татөн некин оз неб. Сыбөрсянь, энө кусökkесө, көдна мукөд пырсяс өддөн чөскытөсь, ковсьывлө чапкавны котомкасис степь кузя.

— Корны мунатө?—юаліс казак, кык көрчитчөм фигура вылө пельпон вывті видзөтікө.

— Мыйнө, бур морт!—ловзисьөмөн шуис паныт Архип дед.

— Дед, чеччы коккез вылат, мыччала, кытөн ола, ме ордө узыны локтат.

Дед пешлісис сувтны, но усис и бокнас инмис арба дорө да жагвыв пондіс ружтыны.

— Эх, тэ, пөрись!—жалейтөмөн горөтчис казак.—Но ладно, эн видзөт; локтас

кад узьны мунны, юав Чёрнойёс, Андрей Чёрнойёс, эта ме и эм. А öни чеччы. Прощайте!

Дед да нучок петисö осокоррез да тополлез дынö. Ны йыввез сайсянь тыдалисö короминнаэз, заборрез, гөгөр—веськытлань и шульгалань—нёбосö пыкисö сэтшöм жö грудаз. Нылön зелёной листтэс вöлисö пасьтötöмось руд бусön, а веськыт да кыз стволлэзлön качыс потласьöма жарсянас.

Кык плетень коласöt, веськыта нишшöйез одзын кыссис векнитик улицаок, ния мунисö эта улицаокöt пöрласян походкаön, кыз ветлötöны подön уна ветлötись отир.

— Но, кыз мийö, Лёня, мунам—ötлаын али янын?—юалис дед да, ответсö видзчисьтög, содтис:—ötлаын буржык бы вöли—сеталöны тэныт öддьön етша. Он куж тэ корны...

— А мыйлö унасö? Сёровно эд он сёй быдöс...—ас гөгөрсö видзötикö, лөгөнмос шуис Лёнька.

— Кытчö? Ылöстöм тэ!.. А вдруг инмас сэтшöм морт да и небас? Вот тэныт

и кытчö!.. Деньга сетас. А деньгаыс ыджыт дело: көр ме кула, тэ деньганас туйсö аслыт адззан.

И, ласкова шыннялёмөн, дед малалыш-тис нучоксö юрөттис.

— Төдан я тэ, мымда ме ветлөтікас өкті? А?

— А мымда?—равнодушнöя юалис Лёнька.

— Дасөтік руб дасвит копейка!.. Адззы-лін?!

Но дедлөн рада баитöмыс да эта мым-да деньгаыс эз вөрзётö Лёнькались сьö-лөмсö.

— Эх тэ, кага, кага!—ыш ловзисис дед.—Сідзкө, янын я мый я мунам?

— Янын...

— Но... Буди, вичку дынас лок.

— Ладно.

Дед кежис шувгаланись улицаö, а Лёнька мунис одзлань. Дас оськөв мымда керём бöрын, сія кылис жеркөтчан голос: „Благодетеллез и көрмилеччез!..“ Эта го-лосыс вачкисис сыланьö, кыз бытьтö расетронгөм гусли кузя нуөтисö ки до-лоньөн медкыз струнасянь вөснитик стру-

набдз. Лёнъка дрөгнитіс да содтіс оськѡв-
сѡ. Пыр, кѡр Лёнъка кыліс дедысліс кѡ-
рѡмсѡ, сылѡ вѡвлі недолыт да гажтѡм, а
кѡр дедыслѡ ѡткажитлісѡ, сія нельки пов-
ліс, видзчисіс, что дедыс пондае горзыны.

Лёнъка пеллез дынѡдз эшѡ локтісѡ дед
голослѡн нора, дрѡжитан шыэз, кѡдна
паськалісѡ станица вевдѡрын ѡддѡн шо-
ныт да суналан воздухын. Гѡгѡр вѡлі сѡ-
тшѡм лѡнь, кыз бытьтѡ ойѡн. Лёнъка си-
бѡтчис плетень дынѡ да пуксіс вуджѡр
сайѡ, кѡда шогмѡ эта забор вевдѡрѡт мыч-
чисѡм да ѡшѡтчѡм вишня уввезсянь. Кы-
тѡнкѡ дзингіс мош...

Пельпоннэз выліс котомкасѡ чапкѡм
бѡрын, Лёнъка пуктіс сы вылѡ юрсѡ и чу-
жѡм весьтіс листтэз пыр нѡбоас невна
видзѡтѡм бѡрын чѡскыта онмѡссіс... Боки
муніссез дынсянь сія вѡлі сайѡвтѡма тшѡк
турунѡн да плетеньсянь усян вуджѡрѡн...

Сія сайміс тѡдтѡм шыэзсянь, кѡдна
дѡвьялісѡ сибѡтчан рытссянь ыркыт воз-
духын. Неѡддѡн ылын сы дынсянь кінкѡ
горзіс. Горзіс челядь моз, чирѡстѡмѡн да
лѡньсьытѡг. Герьясьѡм шыэз орлісѡ вѡс-
нитик, гажтѡм нотаын и вдруг бѡра да

виль вынён öзйивлісё, паськалісё да ма-
төжык локтісё сы дынё. Сія лэбтіс юрсё
да бурьян пыр видзётіс туй вылас.

Сы кузя муніс сизим год гөгөрся, бура
пасьтөтөм, синваэзсянь гөрдөтөм да пык-
төм чужома нылочка. Сія чужомсё дуг-
дывтөг чышкывліс чочком юбка подулөн.
Муніс сія жагөника, куш коккезнас туй
кузя гужгөмөн да сук буссё лэбтөмөн и,
тыдалё, ачыс эз төд, кытчө и мыйлө му-
нё. Синнэс сылөн вөлісё гырисьось да
сьөдось, өні—өбидитөмось, гажтөмось да
ваось: учөтик, вөснитик, розвөй пелёккес
бөбалөмөмоз мыччисисё читкыля юрси
сайсянь; читкыллес сылөн паськалөмась
да лэдзчисьөмась кымөс вылас, рожабан-
нэз да пельпоннэз вылас.

Лёнькалө сія кажитчис өддьөн смеш-
нөйөн, көть и сылөн синваэз петөмась,—
смешнөйөн да гажаөн... Но и бөб, натьтө,
сія!..

— Мый тэ горзан?—юаліс Лёнька, кок-
кез вылас сувтікө, көр нылочкаыс лоис
сыкөт өтвесьтын.

Сія дрөгнитіс да сувтіс, сразу дугдіс
горзыны, но жагөника сё эшө сыркьяліс.

Сыбөрсянь, көр сйя сэкунда-мөд дырна видзөтис Лёнъка вылө, сылөн бөра дрөгнитисө тырппес, чукыртчисе чужөмыс, лэбтисьыштис моросыс и бөра герөн горзөмөн пондис мунны одзлань.

Лёнъка кылис, кызды тыркас сылөн мыйкө жмитчис, и вдруг бөрсяняс жө иньдөтчис.

— А тэ эн горзы. Ыджыт ни эд—стыд кытшөм!—пондис байны Лёнъка, көр эшө эз вөт сийө, а сыбөрын, көр вөтис, видзөтис сылө чужөмас да бөра юалис:—Но, мый тэ сідз горзан?

— Да-а!—нюжөтис нылочкаыс.—Тэныт көбы...—и вдруг уськөтчисе туй вылө бусас, чужөмсө вевтчисе кизнас, и бура эд пондис унны.

— Но!—Лёнъка макнитис кинас.—Инькажуг!.. Быль—инькажуг. Ох, тэ!..

Но эта эз отсав не өтыслө, не мөдыслө. Лёнъкалө сідз жө лоис гажтөм да охота горзыны, көр сйя видзөтис, кызды сы вөснитик, розовөй чунөккес пыр сьөрсьөн-бөрсьөн котөртөны синваэз. Лёнъка мышкыртчисе сы дынө, жагөника лэбтисе киеө да чуть павкөтчыштисе сы юрси бердө; но

сэж жё повзыштис аслае смелісь да летыштис кисё бёр. Нылочкаыс сё эшö горзіс и нем эз баит.

— Кылан!..—невна чөлөм бёрын пондөтис Лёнъка. Сылө охота вөлі отсавны эта нылочкалө.—Мый тэ этö? Вартлісö я мый я?.. Дак чулалас эд!.. Али мыйкө мөдік? Тэ висьтав! А—нылочка?

Нылочкаыс, чужөм бердсис киэсö мездөттөг, гажтөма качыкнитис юрнае, да горзөм пыр, пельпоннэзнае вөрөтیکө, висьталіс сылө:

— Чышьянөс... өшти!.. Тятюө базарись ваис... голубөй, цвөтоккеза, а ме чышьяналі—и өшти.—И бөра пондіс горзыны эшö өддьөнжык да горөнжык. Нөра голосөн нюжөтис аскодя: о-о-о!

Лёнъка адззө, что немөн оз вермы отсавны сылө, и полөмөн вешшис сы дынісь да думайтөмөн, гажтөма видзөтыштис пемдөм нёбо вылө. Сылө сьөкыт вөлі и өддьөн жаль нылочкасө.

— Эн горзы!.. поди и адззисяс...—гусьөнник висьталіс сія, но көр казяліс, что нылочкаыс оз кыв сылісь бурөтөмсө, эшö ылөжык вешшис сы дынісь да пондіс ду-

майтны: натътö пö сылö айысеянъ дөнзяс
эта öштасьöм понда. И сэк жö Лёнъкалö
син одзас пондiе мыччасьны, что айыс
сылөн сьöд, ыджыт казак, вартлö сiйö, а
нылочкаыс синваэзөн виньдалöмөн и по-
лöмсянъ да зубытсеянъ дрöжитöмөн нюж-
ласьö сы коккез дынын...

Лёнъка чеччис да мунiе бокö, но көр
мунiе не ылöжык вит оськөвсяс, бöра бер-
гötчис, сувтiе стын дынö, нылочка весьтö
и пессис адззыны мыйкö бурö да ласко-
вöйö...

— Нылочка, вешшышт туй вывсис! Дуг-
ды ни горзыны! Мун гортат, да быдöс вись-
тав, кыз вöли. Öштi, мыся... Мый ни тэ
öддьөнсö шогсян?..

Лёнъка этö пондiе баитны жагöника,
жалейтан голосөн, и бура радуйтчис, көр
казялiе, что нылочкаыс лэбтiсьö му выв-
сис.

— Вот и бур!..—шыннялöмөн да пе-
рыта шуис Лёнъка.—Лок татчö. Колö, ме
муна тэкöt и быдöс висьтала? Эн пов,
дорья тэнö!

И Лёнъка видзötиe ас гөгöрсö да гор-
дöя вөрöтыштiе пельпоннэзнас.

— Оз ков...—платье вылісь буссё жа-
гöника треситікö да сё эшö сыркьялöмөн
гусьöника шуис нылочкаыс.

— А то — муна?—горөн да гордöя вись-
таліс Лёнька и вештіс пель вылас ассис
шалкаоксö.

Сія öні, коккесö паськötöмөн, сулаліс
нылочка одзын, мыйсянь сы вылын бырöм
паськöмыс повтöг ёршитчис. Лёнька чо-
рыта стукöтыштліс бедьөн му кузя да öд-
дьөн видзötіс сы вылö, а аслас ыджыт
да тöждісяга синнэс югьялісö гордöй да
смелöй чувствоöн.

Нылочкаыс пиньöлөн видзötіс Лёнька
вылö, чужöм вылісь синвазесö чышкикö,
ыш ловзисис да шуис:

— Эн лок, оз ков... Мамö нишшöйесö
оз любит.

И, бöрае кыкись видзötöм бöрын, ны-
лочка муніс Лёнька дынісь одзлань.

Лёнькалö гактöм лоис. Сія казаявтöг,
жагвыв вежис ассис решительнöй чужöм-
сö, бöра кöетісис, рамнис, кышаліс спина
сайö ассис котомкасö, кöда одзжык öша-
ліс ки вылас, да горötіс нылочкалö бөр-
сяняс, кöр сія саясис ни чукыль сайö:

— Прощай!

Нылочкаыс мунтөннис бергөтчис Лёнъка ладорё и саясис.

Сибөтчис рыт, и воздухын вөлі сїя ас-кодъ да съёкыт дук, кōда съөртї позис висьтавны: лоас гроза. Шондї вөлі лажмыг ни и тополь йыввез чуть гөрдөтисө. Но рытея вуджөррезсянь, кōдна сайөвтисө нылісь уввесө, нїя лоисө элө вылынжыкөсь да сукжыкөсь... Ны вевдөрын нёбоыс тожө пемдїс, лоисе бархатнөйөн и бытьтө кыдз лэдзчисис улөжык му дынас. Кытөнкө ылын баитисө отир, а кытөнкө эшө ылынжык, но мөдік ладорын—ссылісө. Эна шыэс, негораөсь, но сукөсь, кажитчис, тожө вөлісө босьтсьөмөсь этөн пөдтан дукнас.

Лёнъкалө лоис эшө гажтөмжык, нельки повны мыйсянькө поздїс. Сылө охота лоис мунны дедыз дынө; видзөтис ас гөгөрсө и перыта мунис одзлань улица кузя. Милостинасө корны сылө эз вөв охота. Сїя мунис и чувствуйтис, что сылөн моросае съөлөмыс ёткөптө өддьөн и өддьөн перыта, и сылө мылякө дыш петис мунны и думайтны... А нылочкаыс некыдз эз вермы вунны сы памятись, и кутисө ду-

маэз: мый сыкөт өні? Кызди сія богатой керкунь, сэк пондасө вартлыны; богатё-ые быдөс надзөсь, а кызди бедной семья-нсь, сэг, можот, и оз пондө... Бедной керкуэзас челядсьө любитоны өддьонжык, мыля нысянь удж видзчисьоны. Öтiк бөр-сянь мөдiк думаэс бергалiсө юрас, и быд минутаө төждөмлөн мучитан чувтвоеыс, кызд вуджөр, көда өтлаын сыкөт думай-тiс, лонс сө сьөкытжык, и кутiс сiйө сө буражык.

И рытлөн вуджөррес лонсө пөдтанажы-көсь да сукжыкөсь. Лёнъкалө сюрлiсө па-ныт казаккес и казачкаэз, и мунлiсө сө одзлань, сы вылө дзар эз керө, нiя ештi-сө ни велааны Россияись уна локтөм тшыгйөн олiсь отир дынө. Сiя тожө дыша видзөтлiс гырись да пөт фигураэз вылө, и перыта мунiс вичку дынө, көдалөн кре-сыс пуэз сайсянь югьялiс сы одзын.

Сылө паныт локтiс зык, вайөтiсө пода табун. Вот и вичку, лажмытик да пась-кыт, вит юрөн, көдна краситөмась голу-бөй краскаөн, гөгөр быдмисө тополлез, көдналөн йыввес быдмөмась вылынжыка крессэзся, көдна вөлiсө кисьтөмөсь лэдз-

чан шонді югөррезөн да зелень пыр югья-
лісө розовййкодь золотоён.

Вот и дед, съёкыт котомкасянь кусиньт-
чөмөн, и өтмөдөрө дзарьялөмөн, жагөник
локтө вичку дынө.

Дед бөрын, кыин бедёк видзөмөн да кы-
мөс вылө шапкасө лэдзөмөн, ляшмасьө-
мөн оськалө станичник.

— Мый, пустөй котомкаыт? — юалис дед,
нучок дынө сибөтчикө, көда сувтөма видз-
чисьны сійө вичку ограда дынө.—А ме
видзөт мымда!..—И, ружтөмөн, сія пель-
поннэз вылісь пуктіс му вылө ассис, зэ-
лыта төбалөм дөраовйй котомкасө.—Ух!..
Бура татөн сеталөны! Өддьөн бура!.. Но,
а тэ мый дузгыльтчин?

— Юрө висьө...—дедкөт ордчөн му вы-
лө пуксикө жагөника шуис Лёнька.

— Но?.. Мыдзин... Тшыгьялин!.. Өні узь-
ны мунам. Кыдз казаксө сійө шуоны? А?

— Чёрнөй Андрей.

— Сідз мийө и юалам: кытөн, мыся,
сэтөн Чёрнөй Андрей олө? То миян дынө
морт локтө... Да... Бур отирыс, пөт! Бы-
дөнныс сөйөны шогдіовйй нянь. Здорово,
бур морт!

Казак мато сиботчис ны дыно да паныт жагоника горотчис:

— И тиянло здорово!

Сыборын паськотис коккесо да сувтотис нишшойез выло гырись, нем не баитана синнесо да шы сеттог пондис асьсо тыжь-явны.

Ленька дивуйтчомон видзотис сы выло, а дед юаломон кваркышалис порись синнесас, казак се чолис и медборын джын кывсо мыччис да пондис сийон кутавны ассиес ус концео. Сия кутис уесо омас, аклялис сийо, бора кывнас тойыштис омсиес и, медборын, оротис чоломсо, кода лоис мыдзомви ни, да дыша висьталис:

— Но—мунам сборнойо!

— Мыйло?— повзыштис дед.

Ленькалон мыйко дроннитис гыркас.

— Колло... Тшоктисо. Но!

Сия берготчис ныланьо спинанас и пондис мунны ни, но кор видзотис борас да казалис, что некодыс эзо ворзьотчо местасис,—бора и логон ни горотчис:

— Мый но тийо?!

Волись сэк дед да Ленька перыта пондисо мунны сы борсянь.

Лёнъка орѳчытѳг видзѳтѳе дедыс вы-
лѳ, и кѳр казяліс, кыдз сылѳн вѳрѳны
тырппес да юрыс, и кыдз сѳя, ас гѳгѳр-
сѳ полѳмѳн видзѳтглікѳ, перыта шаритѳ
пиас, вежѳртѳс, что дедыс бѳра мыйкѳ
бѳбалѳс—кыдз сѳк Таманяс. Сылѳн пондѳс
петны полѳм, кѳр тѳдвылае усис тамань-
скѳй делѳыс. Сѳтчѳн дед гусяліс ограда-
нѳ паськѳм и сѳйѳ кутѳсѳ.

Сералѳсѳ, видѳсѳ, нельки вартлісѳ, а
медбѳрын ойнас вашѳтѳсѳ станицасис. Пѳя
дедкѳт узисѳ кытѳнкѳ берег дорын, песок
вылын, и морѳыс ойбыт лѳгѳн увгис. Вав-
вез вартѳмсянь дзуртѳс песок. А дед ой-
быт ойзѳс да гусяѳн енлѳ юрбитѳс, шуис
асьсѳ гусясисьѳн да корис прощенѳ...

— Лѳнька...

Бокас чувѳыштѳмсянь Лѳнька дрѳгни-
тѳс да видзѳтѳс дедыс вылѳ. Сылѳн чужѳ-
мыс нюжалѳс, лоис кѳсжык, руджык
и быдѳс дрѳжитѳс.

Казакыс оськѳв витѳн мунѳс одзлань,
куритѳс трубкаѳн, сѳталѳс бедѳкѳн порсь-
кок юррез кузя и эз и видзѳт ны вылѳ.


— На, босьт!.. чапкы турун коласѳ...
да примечайт, кытчѳ чапкан... медбы сы-

бöрын босытны...—чуть кылöмөн вашкыш-
тис дед и топыта жмитчис муникас ну-
чокыс бердö да сюйыштис сылö киас ко-
мокö каттьöм трöпич.

Лёнька петитчыштис, дрöгнитис полöм-
сянь, кöда сразу кöдзытөн тыртис сылесь
телосö, и матöжык сибöтчис забор дынö,
кытөн тшöка быдмис быдкодь туруныс.
Казак конвоир паськыт спина вылö вын-
сьöтчöмөн видзöтикö, сия нюжöтис кисö
мöдөрö да эшö öтпыр сы вылö видзöтöм
бöрын, чапкис трöпичсö турунас...

Усикас трöпичыс паськалис и Лёнька
синнэз одзöt мелькнитис цветоккеза голу-
бöй чышьян и сэк жö сийö вевтчис учö-
тик, горзись нылочкаыс. Нылочкаыс, кыз
ловья, сувтис Лёнька одзö, аснас сайöv-
тис казаксö, делсö и быдöс сийö, мый эм
сы гөгөр... Сылөн горзöмыс вились кылис
Лёнька пеллезын, и сылö кажитчис, что
сы одзын му вылас дзульльöн кисьтсьöны
югыт синвазз...

Сэтшöм сьöкыта сьöлöм пессьöмөн сия
дед бöрын локтис сборнöйöдз, кылис жагö-
на увгöм, кöдийö вежöртны эз вермы да
эз и мöд, только дзик туман пыр адззис.



кыз деды котомкаись киестьсё нянь ку-
сёккесё ыджыт пызан вылө, и эна кусёк-
кес, шытөг да небытика усялісё, стукөті-
сё пызан пөв кузя... Сыбөрсянь ны дынө
мышкыртчисё гырись шапкаэза уна юр-
рез: юррес да шапкаэс вөлісё гажтөмөсь
да лөгөсь, и нійө кытшөвтан туман пыр
качайтчикө, грөзитисё мыйөнкө страшнө-
йөн... Сыбөрын деды мыйкө бобгөмөн
вдруг пондіс, кыз гөглян, бергавны кык
том детина киэзын.

— Весътөмись, православнөйез!.. Абу
виноват, адззө ен!..— кивөстис дед.

Лёнька, горзөмөн, лэдзчисис джоджө.
Сэк сибөтчисё сы дынө. Лэбтисё, пук-
сьөтисё лабич вылө и кошшисё быдөс бы-
рөм паськөмсис, көда вевттис сылісь учө-
тик вывтырсө.

— Бөбөтчө Даниловнаис, чортлөн инь-
ка!— кыз бытьтө сөтис кинкө Лёнька пел-
лез кузя, гымыштис сук да лөг голосөн.

— А, можот, ния кытчөкө дзевисө?—
эшө горөнжык рякөстисө паныт.

Лёнька кыліс, что быдөс эна шыэс быть-
тө вартөны сылө юр кузяс и сылөн сідз
пондіс петны полөм, что сія нельки өш-

тіс садьсө, вдруг бытьтө кыз суныштіс пемыт ямаө, кода осьтисе сы одзын.

Көр Лёнька садясис, юрыссылөн куйліс дедыс пидзөссез вылын, сы чужом весьтын мышкыртчөма дедлөн чужомыс, кода одзася сьөрти эшө өддьонжык чукыртчөма, а дедыс синнэзісь, кодна полөмөн кваркышалісө, Лёнька кымөс вылө вотялісө носнитик, гудыра синваэз да гильөтісө, рожабаннэз кузя голя вылө котөртикө.

— Но мый, садясин ни, родной тэ менам?! Мунам ко эстись. Мунам, лэдзисө өрдөммез!

Лёнька лэбтісис и кыліс, что сы юрө бытьтө мыйкө кисьтөмась сьөкытө, и что юрыс вот-вот уяс пельпоннэс вылісь... Лёнька кутіс юрсө киэзнас и жагөника ружтөмөн, пондіс өтмөдөрө качайтчыны.

— Висьө юрокыт? Родной тэ менам!.. Маитісө ния мянөс... Зверрез! Думайтанда, кинжал өштөмась да нывка чышьян өштөма, а ния и уськөтчисө мян вылө! Ох, господи, мый понда наказывайтан?

Дедлөн дзуртан голосыс кызкө гыжъяліс Лёнькасө, и сія кыліс, что сы пытш-

кын öзйö бичирук, кöда тшöктіс сійö ылö-
жык вешшыны дедыс дынсянь. Вешшис и
видзöтис гөгөр...

Шя пукалісö станицаньс пеганін ды-
нын, паськыт осокорь уввез вуджөр ув-
тын. Ой ни лэдзчисис, петіс тöлісь и сы-
лөн йöла-серебристой рöмыс аслас югö-
рөн кисьтіс волькыта паськалём степсö
да керис сійö векнитжыкөн, нежели сія
вöлі луннас, векнитжыкөн даэшö гажтём-
жыкөн, пустыннöйжыкөн. Ылісянь, степ-
сянь, кöда öтлаасьöма нёбокöt, кайисö
кымөррез да жагöника уйисö сы вевдö-
рöt, тöлісьсö сайöвтöмөн да му вылас сук
вуджөррез чапкалёмөн. Вуджөррес топы-
та ольсасисö му ылö, жагöника, думай-
тöмөн, кыссисö сы кузя и вдруг öшлисö,
бытьтö пырисö му пышкас потöминнэз-
öt, кöдна шогмöны шондi югөррезлөн жар
сöталёммезсянь... Станицаньс кылісö го-
лоссэз, и öтi-мöдiлаын öзйывлісö биоккез,
мигайтисö рöма-золотöй звездаэзкöt.

— Мунам, кага!.. колö мунны,— шуис
дед.

— Пукалыштам эшö!..— гусьöник вись-
таліс Лёнька.

Сылö гленитчис степыс. Луннас, сы кузя мунікө, сія любитліс видзётны одзас, сэтчин, кытөн нёболөн сводыс пыкесö степыс паськыт морос вылö... Сія аскөттяс думайтіс: сэтчин пö эмөсь ыджыт да басөк городдэз, көднаын олöны адззывтөм бур отир, көдналісь оз понды ковны корны няньсö—асьныс сетасö, кортөг. А көр степыс, сё отөнжыка сы синяз одзын паськалөмөн, вдруг мыччывліс сылö төдса станица, кöда отирнас и строеннёэзнас вöлі сэтшөм жö, кыгшөмөсь сія адззывліс олзжык, эта бөбөтөмсянь сійö кутліс обида да гажтөм.

И öні сія думайтөмөн видзөтіс одзлань, кысянь жагөника петісö кымөррез. Пія кажитчисö сылö не öтік тысяча трубаись петан тшынөн, самöй сія городісь, кöдö адззывны сылö вöлі сэтшөм охота... Сылісь думайтөмсö орөтіс дедыслөн көс кашельс.

Лёнька зорöна видзөтіс синвасянь гамөм дедыс чужөмө, кöда ашнöя нылаліс воздухсö.

Төлісьөн югдөтөмсянь да аскодя вуджөррезөн вевттьөмсянь, кöдна усисö де-

дыс ылө бырөм шапкасянь, синкыммез-
сянь да тошсянь, эта чужо́мыс вештася-
на өмөн да паськыта осьтөм синнэзөн,
көдна югьялісө кытшөмкө сайөвтөм вос-
торгөн,—вөлі өддьөн жалкөй, сьөлөм дой-
дана и чужтіс Лёнькаын сійө виль чув-
ствосө, көда тшөктіс сійө ылөжык веш-
шыны дедыс дынсянь...

— Но, пукуштам, пукуштам!..—бобгис
дедыс и, вежөрттөг шыннялөмөн, шаритіс
пиас.

Лёнька бергөтчис да бөра пондіс ви-
дзөтны одзас.

— Лёнька!.. Видзөт жө!..—вдруг радөн
ыкөстіс дед и, пөдтан кашельсянь көр-
читчөмөн, нюжөтіс нучокыслө мыйкө ку-
зьө да югьяланаө.—Сереброын! серебро
эд!.. сотня джын сулалө!..

Дедлөн киэс и тырпес дрөжитісө зу-
бытссянь да жадностьсянь, и чужо́мыс быд-
сөн пиньласис.

Лёнька дрөгнитіс да тойыштіс сыліс
кисө.

— Дзев чожжык!.. Ох, дедко, дзев!..—
тусьөника өтмөдөрө дзарьялөмөн кеймисьө-
мөн шуис сія.

— Но, мый тэ, боб? полан, милöй?.. Видзöтi ме öшыно, а сiя öшалö... ме сiйö цап да пола увтö... а сыбöрын дзеби куст-тэз коласö. Көр станицаись локтiм, ме бытьтö шапкаос уськöti, мышкыргчи да босьтi сiйö... Бобövвез нiя!.. И чышьянсö босьтi—то сiя кытөн!

Сiя дрöжитан киэзөн кватигiс чышьянсö аслае бырöм трöпиччез коласiсь да тресигiс сiйөн Лёнька чужöм одзын.

Лёнька син одзись öшис туманнöй вевтöсые и мыччисе сэтшöм картина: сiя и дедые перыта, мымда вермöны, мунöны станица улица кузя и орддöны паныт шедисезлись видзötöмнысö, мунöны полöмөн, и Лёнькалö кажитчö, что быдые, кинлö охота, сiя и вермас нiйö кыкнаннысö вартлыны, сьöлавны ны вылö, видчыны... Быдöс, мый только эм: заборрез, керкуэз, пуэз—дзик кыдзи вөрöны төвсаянь кытшöмкö туман пытшкын... и увгöны кинлөнкö лөг голоссэз... Эта сьökыт туйыс öддён эд кузь, и станицасаянь ыб вылö петан туйыс оз тыдав дзескыта сувтötöм керкуэсаянь, кöднiя то сибötчöны ны дынö,—бытьтö мөдöвы ляпкötны нiйö, то

вешшоны ны дынсянь да сералоны ны чужоммезо ошыннэзись асланыс съод пятноэзон. И вдруг отик ошынсянь горон кылö: „Воришкоэз! Воришкоэз! Воришко, ворпьянок!..“ Ленька гусьонмоз чапкө асене видзөтөмсө мөдөрө и адззө ошын вылись сийө нылочкасө, көдййө онтай сич адззылис горзисьон да мөдис эшө дорйыны.. Сича кутис Ленькалис видзөтөмсө и мыччис сылө кывсө, а асла лөз синоккес лэчыта да лөга югьялисө и кыз эмөн бытшкалисө Ленькасө.

Эта картинас ловзис зонкаокис памятын да сэк жө ошис, только колис лөга сералом, көдййө сича чапкис дедис чужомө.

Кашляйтөмсянь дугдывлөмөн, дед сө мыйкө баитис, өвтис киэзнас, треситис юрнас да чышкылис ньылөмсө, кода гырись дзуллезон петавлис си чужом вылын чукыррезас.

Сьокыг, орласьом да рукледьбсь кымор сайөвтис төлиссьө, и Ленькалө умөля пондис тыдавы дедлөн чужомыс... Но сича думанас сувтөтис ордчөн дедыскөт горзись нылочкасө, корис ас одзас сылись образсө, и думанас кыз бы меряйтис нийө

кыкнаннысö. Вынтöм, дзуртан, горш да летöм дедыс, ордчöн сыöн обидитöм, горзись, но здоровöй, свежöй да басöк нылочка сьöрти сылö кажитчис неколанаöн, и почти сэтшöм жö лөгөн да умöльöн, кыз сказкын Кащей. Кыз этö туйö? Мый понда сiя обидитис нылочкасö? Сiя абу роднöй сылö...

А дедыс дзуртис:

— Кыз бы рублей сотня öктыны!.. Ме бы сэк кулі спокойнöя...

— Но!..— вдруг мыйкö öзйыштіс Ленька пытшкын.— Чöv ни тэ! Кулі бы, кулі бы. А он тайкув... Гусесян!..— чирöстис Ленька и вдруг дрöжитöмөн чеччöвтис коккез вылас.— Пöрись вор тэ!.. У-у!— и учöтик, көс кулачоксö жмитöмөн легötис сiйöн сразу лөнсьöм дедыс ныр одзын и бöра сьöкыта лэдзчисис му вылö да пиннез пыр баитис одзлань:— Кагались гусялін... Ах, кытшöм бур!.. Пöрись, а сэтчö жö... Оз ло тэныт эта понда мöд светас прощеннёыс!

Вдруг быдöс степыс зэгнитчис и, синнэз гусялана голубöй рöмөн кытшöвтöмсянь, паськаліс... Сылөн пемыт шебрасыс

дрөгнитіс да недыр жежө өшис... Гымнитіс и гора гымыс ыскөвтіс степь вевдөрөт, зэгөтіс и сійө, и небосө, кода кузя өні перыта лэбзисө суксялөм пемыт кымөррез, көдна сайөвтісө асаные төлісөсө.

Лоис пемыт. Ылын кытөнкө, шытөг, но лөга вирдыштіс чарньөв и секунда-мөд бөрті вились жагөника гымыштіс... Сыбөрын лоис лөнь, көдалө, кажитчис, оз ло конец.

Лөнька тэчис пернапассэз. Дед пукаліс шытөг да вөрзөтчытөг, сія бытьтө кызд өтлаө быдмөма пу бердө, кода дынө пөліньтчөма спинанас.

— Дедук!..— полөмөн, виль гымыштөм видзчисьтөн гусьөник шуис Лөнька.— Мунам станицаө!

Небоыс бөра дрөгнитіс и бөра пыкнитіс голубөй би югөрөн, чапкис му вылас вына металлическөй гым. Кызд бытьтө не өтік тысяча көртовөй листтэз кисьтсисө му вылө, өтамөд бердө сөталөмөн...

— Дедук!..— чирөстіс Лөнька.

Сылөн чирөстөмыс, гымалөм шыэзөн вевттөмсянь, горалис кызд учөтик, потөм колокол кузя сөтөм.

— Мый тэ... полан... — вөрзбөтчытөг, жеркөтчан голосөн шуис дед.

Пондисө кисьтесыны гырись зэр воттез, и нылөн кышөтөмыс вөлі сэтшөм таинственнөй, кыз бытөтө мыйкө ёылсь юөртис. Ылын сїя быдмис ни өтвывса, паськыт шыө, көда вачкисис көс му бердө ыджыт росөн ниртөмланы, а сэтөн, дед дынын да нучок дынын, му вылө усикө, быд вотыс горалис дженыта да орласьөмөн и сэтөн жө говктөг кувлис. Гора гыммез сибөтчисө сө матөжык, а нёбоыс өгралис частожык.

— Станицаас ме ог мун! Ась менө, пөрись понөс, ворөс... эстөн зэрыс пөдтө... и вийө гымалан зыкыс!.. — пөдөмөн баитис дед. — Ог мун!.. өтнат мун!.. То сїя, станицаыс... Мун!.. Меным оз ков, медбы тэ пукалин эстөн... Мун, мун!.. Мун!..

Дед горөтлис нярзөмөн да пөдөмөн.

— Дедук!.. простит!.. — сы дынө вешшөмөн кеймисис Лёнька.

— Ог мун... Ог простит... Сизим год сьөрна ме тэнө вөдиті!.. Быдөс тэ понда... и олі... тэ понда. Меным разь колө мыйкө?! Кула ни эд ме... Кула... а тэ шуан — вор... Кин понда ворнае лои? Тэ понда...

Быдөс эта тэ понда... На босьт... босьт...
Тэнат олөм понда өкті... но и гусяси...
Еные быдөс адззө... Сія төдө... что гуся-
си... төдө... Сія накажитас менө. Сія оз
простит менө, пөрись понөс... гусясьөмыс
понда. И накажитіс ни... Господи! нака-
житін тэ менө!.. а? накажитін?.. Кага киөн
вийин тэ менө!.. Верно, господи!.. Пра-
вильно!.. Справедлива тэ керин, господи!
Иньды менам душала... Ох...

Дедлөн голосыс быдмис пеллез чанөта-
на чирөстөмөдз, ужасөн тыртіс Лёнька-
лісь мороссө.

Гора гыммез, нёбосө и степсө зэгөтө-
мөн, өні гымалисө сэтшөм горөн да перы-
та, кыз бытътө быдыс ны коласісь мө-
діс висьтавны мулө сы понда мыйкө ко-
ланаө, и быдөнныс нія, өтамөдсө одзалө-
мөн, почти орөттөг горзісө. Чарньөввезөн
косялан нёбоыс зэгаліс, зэгаліс и степыс,
көда то öзйывліс лөз биөн, то пырліс кө-
дзыт, сьөкыт да дзескыт пемытінө, көда
аскодьөн векньөтіс сійө. Мукөд пораө
чарньөлыс югдөтіс ылі. И кажитчис, что
эта ылыніныс тэрмасьөмөн пышшө шумыс
да чирзөмыс шогья...

Кисьтны пондiе зэр, и сылөн воттес, вирдалём дырни кызь сталь югьялёмөн сайёвтiсё асананье станицались приветливоя мигайтан биэсё.

Полёмсянь, кёдзытссянь да гажтём, винитан чувтвосьянь, кёда чужие дедыс чирзёмсянь, Лёнька лоис кулёмви. Сiя сувтётiс ас одзас паськыта осьтём синнэсё и полис нийён кваркыш керны нельки сэк, кёр ва воттес котёртiсё вамём юр вывсис и сюрисё ны пытшкё. Лёнька кывзiе дедыслись голоссё, кёда вёйис вына шыэз морын.

Лёнька кылис, что дедыс пукалё вёрзётчытөг, но Лёнькалё кажитчис, что сылё колё ошны, мунны кытчөкё и кольны дедсё отнасё.

Лёнька, ас пондасис казаявтөг, невнаён вешис дед дынё и, кёр павкётчис гыр-дзанае, дрөгнитiс, видзчисис мыйкё страшнойё...

Небосё поткётём бёрын, чарньёв югдотiс нийё кыкнаннысё, кёдна пукалисё ордчён отамөдкөт, чукыртчыштёмось, учөтикось да кёдна вылё пу вожжез вылисё орлытөг лэдзчисё ва воттез.

Дед өвтыштис кинас и көть сїя мыдзис и пөдіе ни, но сё мыйкө бобгис.

Лёнька дзар керис сы чужомө да повзьомсянь горөтис... Гымалом костаея лөз рөмын дедлөн чужомыс кажитчис куломкодь, а сы вылын бергалан синнэс вөлісө бөбмөмкодьөсь.

— Дедук!.. Мунам!..—дед пидзөссез коласө юрө татшкөмөн горөтис Лёнька.

Дед мышкыртчис сы весьтө, кутис сїйө вөснитик да коскаа киэзнас, ёна жмитис ас бердас и, сїйө жмитлікө, вдруг өддьөн эд, нөштөм голосөн пондіе унныавны, кыз капканө шедөм көин.

Унныалөмсянь чуть не бөбсялөмөдз вайөтөм Лёнька мездисис сы дынісь, чеччөвтис коккез вылө и кыз стрела лыйис котөртис кытчөкө одзлань, паськыта осьтөм синнэзөн, усялөмөн, бөр чеччөмөн, мунис пыдөжык пемытінас, көда лөз рөма чарньөвсянь то өшліс, то вились топыта кутліс повзьомсянь бөбсялөм зоночкасө.

А зэрыс усьтөнныас шумитис сэтшөм көдзыта, өтмоза, гажтөма. И кажитчис, что степас зэр шумитөмся, вирдалөмся да гымалөмся некөр и нем эз вөвлы.

Ашынас станичнõй зонкааз петиё станица сайõ и сэк жõ бертисõ бõр да лэбтисõ станицаас тревога: висьталисõ, что осокорь увтись адззылисõ тõння нишшõйсõ, и что сийõ, тыдалõ, начкылисõ, сідз кыз сы дынын валяйтчис кинжал.

Но кõр пõрнсызык казаккез локтисõ видзõтны, сідз я эта, то сїя вõлõма не сідз. Старикыс вõлі эшõ ловья. Кõр сибõтчисõ сы дынõ, сїя пондыліс лэбтисьны му вывсис, но эз вермы. Сылõн õшнис кылыс и сїя синваа синнэзõн юалис мыйкõ йылись быдõнныслись и сё мыйкõ нийõн кошшис отирыс коласись, но нем эз адззы и эз кыв некытшõм пагыта кыв.

Рыгъявлас сїя куліс, и сийõ дзевисõ сэтчин жõ, осокорь увтõ, кысь босьтисõ. Шуисõ, что могильникõ сийõ дзевны оз туй: õткõ сїя вõлі чужõй, мõдкõ—вор, а кумõткõ—куліс кантчытõг. Сы дынись нятись адззисõ кинжал да чышьян.

А кык нето кум лун бõрті адззисис Лёнька.

Неõддõн ылын станица дынсянь, õтїк степнõй лог весьтын пондисõ гõгравны рака табуанэз, и кõр мунисõ сэтчин видзõт-

ны, адззисё зонкаокёс, кёда паськётём
киэзён куйліс кыминь, кизерик нятынь,
кёда кольччёма лог пыдёсас зэр бёрсянь.

Перво шуисё сійё дзёбны могильникё,
сійён что сія кага, но невна баитём бё-
рын дзёбисё ордчён дедыскёт, сія жё осо-
корь увтё. Тыртисё муён, и могила вылас
свттётисё умёлик изовёй крес.

~~Либ. № 969~~

Редактор *Н. А. Спорова*. Техредактор *Ф. С. Яркова*
Перевод *С. И. Караваява*. Корректор *Е. Д. Кривошекова*

Сдано в набор 14/1-11 г. Подписано к печати 1/II-41 г.

Формат бумаги 62 × 94^{1/32}. Печатных листов 1,5.

Авторских листов 1,15. В 1 печат. листе 32448 тип. зн.

ЛБ 13930. Заказ № 175. Тираж 2000.

г. Кудымкар. Типография Коми-пермяцкого Округеиздата

~~Акт № 164~~
Владимир

100

100

Цена 30 коп.

~~К. Перм.~~
~~1-56 а~~

~~170 10~~

М. Горький
ДЕД АРХИП
И ЛЁНЬКА

На коми-пермяцком
языке

